

Ibrahim Pengerusi Lembaga Pengarah UMP baharu



Daing berjabat dengan Ibrahim (lima, kanan) selepas mendengar taklimat bersama pengurusan UMP sempena kunjungan ke UMP baru-baru ini.

KUANTAN - Ahli Lembaga Pengarah Johor Corporation, Datuk Seri Ibrahim Ahmad, 61, dilantik sebagai Pengerusi Lembaga Pengarah Universiti Malaysia Pahang (UMP) selama tiga tahun, bermula 1 Januari lalu.

Pelantikan beliau dibuat Menteri Pendidikan Tinggi, Datuk Seri Idris Jusoh selaras dengan peruntukan di bawah Seksyen 17 (1) (a) Perlembagaan Universiti.

Beliau menggantikan Datuk Seri Mohd Hilmey Mohd Taib yang berkhidmat sebagai Pengerusi Lembaga Pengarah universiti itu selama 11 tahun sejak 1 September 2006 hingga 31 Ogos 2017.

Sementara itu, Naib Canselor UMP, Profesor Datuk Seri Dr Daing Nasir Ibrahim

berkata, dengan pengalaman luas Ibrahim, UMP akan terus cemerlang.

Menurutnya, ini seiring hasrat untuk merealisasikan universiti sebagai sebuah institut pendidikan tinggi bertaraf global berlandaskan daya saing kepakaran teknologi dan kejuruteraan selain menjadikan universiti ini sebagai universiti teknologi terunggul menjelang 2020 nanti.

"Pihak universiti juga mengucapkan terima kasih kepada Mohd Hilmey yang telah menyumbang bakti sepanjang 11 tahun ini bersama-sama UMP melalui beberapa fasa pembangunan Pelan Strategik UMP' katanya dalam satu kenyataan di sini, semalam.